

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opvscvla Spiritvalia - I. Horologium Asceticum. II. Principia Vitae
Christianae. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 5. Cur vitae Christianae documenta multi discunt, pauci exequuntur

urn:nbn:de:hbz:466:1-9969

memoriæ assiduâ lectione reparetur, viamque perfectio-
nis arripere cupientibus prolixæ inquisitionis labor absit.
Nam quia omnis disquisitio veritatis fit ex quibusdam
principiis, quæ à Philosophis Axiomata, à Medicis
Aphorismi dicuntur, quibus præcipuarum rerum com-
pendium, ac veluti medulla continetur; propositum mi-
hi est in hoc libello quidquid de vita sancte instituendâ in
sacra primùm Scriptura, tum in codicibus Sanctorum Pa-
trum & piorum scriptorum diffusè legitur, ad certa qua-
dam & magis necessaria vitæ Christianæ principia restrin-
gere, quæ brevia sint & concisa & paucis multa compre-
hendant. Porro hoc unum est necessarium, à quo summa
rerum vitæque beatæ tota ratio dependet, scire quid sit
Christianæ vivere. *Quid enim prodest homini, si mundum
universum lucretur, animæ verò suæ detrimentum patiatur?*
Aut quam dabit homo commutationem pro anima sua?
Matth. 16. 26. Quid verò perversius magisque insanum,
aut dici, aut fingi potest, quam Christiani nomine gloriari,
vitamque prorsus alienam à Christi doctrina & exemplis
instituere? Vanum est nomen, cui vita non congruit.

§. V. *Cur vitæ Christianæ documenta multi discunt,
pauci exequuntur.*

HÆc autem præcepta facilè possunt omnes legere,
discere & meditari; Sed quod valde dolendum est,
eorum germanam vim, & notionem pauci assequuntur.
Facilè omnes agnoscimus iter ad cœlum parandum esse
abnegatione, jejunii, vigiliis, carnis castigatione, mul-
tisque tribulationibus; sed in actionibus nostris aliter
sentire videguntur. Facilè dicimus oportere Christianum
calumnias, persecutions, tormenta, & ipsam mortem
libenter pati; sed cum hæc mala proxima sunt, cum vi-
ta periculum imminet, tunc caligo mentem obumbrat, &
quod ante dilucidum videbatur, incredibili obscuritate
circumfusum appareat. Humiles sumus, cum à nemine
vilipendimur: patientes, cum nihil molestiæ occurrit,

Documentis vitæ Christianæ assentimur , quando nos non attingunt : cùm verò ad nos pertinent , tunc irrepunt terrenarum cupiditatum illecebræ , mentemque confundunt ; & ea in molliorem sensum , nobisque commodiorem interpretamur . Latet enim veritas caligine obvoluta , eamque oderunt homines ob insitam illi austерitatem , quam natura nostra peccato vitiata pati non potest : & quia virtutibus amaritudo , vitiis voluptas admixta est ; illa offensi ~~hac~~ deliniti , præcipiti cursu in vitia ruunt , & posthabita veritate mendacium amplectuntur . Quòd si aliquando præceptores audiunt , qui ipsam veritatem proferant , ac veluti oculis exponant , quamvis agnoscant se in tenebris & umbra mortis ambulare , & aliquo modo ad lucem aspirare incipient , in suas nihilo minus tenebras relapsi oculos claudunt , ne oblatum lumen aspiciant ; similes dormientibus , qui expurgisci conantur , sed alto sopore demersi protinus in somnum remerguntur . Nemo igitur mirari debet , si multa proponimus , nihil exequimur : tum quia difficultates , quæ in bonis actionibus solent occurrere , non prævidemus , illis que apparentibus retrocedimus , tum quia magis in propriis viribus , quàm in Dei adjutorio confidimus , & ideo ingruente tentatione deficimus , ut discamus non nostræ virtutis esse , sed divinæ misericordiæ , quod vincimus : tum quia denique multum speculationi , parum affectui incumbimus , & leges bene vivendi in doctrina potius , quàm in conscientia habere volumus , scientiam divinam studiosè inquirentes , non ut mores habeamus , quos illa instituit , sed ut ad hominum laudes per ejus ostentationem perveniamus . Itanis autem labor est sapientiam discere , & insipienter vivere .

§. VI. *Regulas Evangelice perfectionis non solis Religiosis ,
sed omnibus Christianis traditas esse.*

Quia plurimi sunt , qui tradita à Christo Christianæ perfectionis documenta nec discere , nec servare